





7800.

43

1754, 54

FACULTATIS JURIDICÆ
P. T.
 DECANVS,
 CONR. WILHELMVS
 Strecker/ JCTVS,

PRÆFAT. FACULTATIS ET JVDICII ELECTO-
 RALIS PROVINCIALIS ASSESSOR, PROFESSOR
 JURIS PVBLICVS, CIVITATIS SYNDICVS, CON-
 SVL, ET CAVSARVM TVTELARIVM
 CONSVLENS.

L. B. S.



ERFORDIÆ.
 Typis JOH. CHRISTOPHORI HERINGII,
 Acad. Typogr.





CUjuslibet ferè Magistratùs & judicis potestas ita est comparata, atque suis terminis quoad personas, tempus, locum, & causas taliter est circumscripta, ut extra illas sine prorogatione & voluntate partium litigantium expressâ vel saltem tacita ex facto aliquo proportionato à lege inducta exerceri nequeat. *L. fin. ff. de jurisdic. L. 2. pr. ff. de jud.* Itaque prorogata jurisdicção ex consensu partium proxime suboritur; remotè tamen provenit à lege, quæ communis utilitatis gratiâ partibus permittit, alterius ac incompetentis judicis jurisdicçãoi cum effectu sese submittere, quin proprii & competentis judicis consensu exigatur. *L. 2. §. 1. ff. de jud.* Atque hæc secundum jus Romanum ita se habere, dubio caret, sed utrum quoad modernam rerum faciem eadem, quas Romani non improbârunt, jurisdicçãois prorogationes tolerentur, non levis est Actorum conflictus. Constat enim Romanos imò & Priscos Germanos nostros jurisdicçãoem, quam hodie patrimoniam vocamus, prorsus ignorâsse, sed apud Romanos omnis jurisdicção tanquam

quam personalis ad hæredes non devolvebatur, nec ad-
ministrans ad dies vitæ retinebat, sed singulis fere annis
finiebatur. Apud Priscos etiam Germanos Principatus
non patrimoniales, sed electivos fuisse, refert Tacit.
de morib. German. C. 12. Hinc rei vel prædio jurisdictionem
inhærere & Romanis & antiquis Germanis mon-
strum videbatur; Successu autem temporis ob varias,
quas passim Ddres referunt, causas, jurisdictione quibus-
dam propria ac patrimonialis facta est, ita ut indistin-
ctè ad hæredes delabatur, & temporaria abierit in per-
petuam. Licet igitur magni nominis Jcti non diffi-
teantur, quod hodiernæ jurisdictionis alia plane sit con-
ditio ac natura, & mores potissimum Germanici a mo-
ribus Romanorum recesserint, nihilominus tamen as-
serere non dubitant, quod hodie prorogatio jurisdic-
tionis in vitis iis, quibus prorogantes subjecti sunt, regula-
riter fieri possit, quia jurisdictionis prorogationes jure
Romano introductæ, nulla lege hodierna essent abro-
gatæ, consequenter, licet facta esset hæreditaria & pro-
prio nomine exerceretur, in reliquis tamen secundum
communes jurisdictionis regulas dijudicari deberet,
plures rationes in hanc sententiam adducunt. Stryck.
U. M. ff. lib. 2. tit. 1. §. 22. seqq. Leyser. medit. ad pand. Vol.
1. Specim. 29. meditat. 5. Berlich. p. 1. Conc. 5. n. 31. Atta-
men certum esse reor, quod jurisdictione in judicem alte-
rius Imperii vel Regni prorogari haud possit, nam si ali-
quis Imperatori vel etiam Principi Imperii subditus ju-
risdictionem judicis Galli in se vellet protrahere, nihil
agit, cum prorogatio vim suam remotè mutuet ex au-
thoritate legis, quæ respectu subditorum alterius Rei
publicæ nullam vim ac robur habet. Vinn. *de jurisd. C.*

10. n. 2. Gletle p. 2. pandect. q. 1. n. 12. Coccej. jur. controvers.
p. 1. lib. 2. tit. 1. q. 2. Idem sane dicendum est de subdi-
tis diversorum Statuum in Romano Imperio, quos inter
jurisdictionis prorogatio vix procedet; Quamvis enim
Status Imperii suam jurisdictionem originetenus ab Im-
peratore derivent, illam tamen Propriam, Patrimonial-
lem, ac territorialem habent; nec leges communes, de
Prorogatione latas, in suo territorio tenentur agnosce-
re, cum plenissima facultate illas reformandi & abro-
gandi polleant. Cui accedit, quod patrimonialis juris-
dictio, quæ Statibus concessa est, quoad Pœnas, mul-
ctas & cætera jura fisci suis circumfluat emolumentis,
quæ Statibus invictis auferri nequeunt, imò ipsi prædio
inhæret, ejusque pretium ac patrimonii vires auget,
quod citra Dominorum consensum imminui aut inter-
verti nullo modo potest. Quin & Privilegium de non
evocando Statibus per A. B. C. 8. Et 11. indultum, non
patitur, ut eorum subditi alieno tribunali sine prævio
Statuum consensu sese submittere valeant. Gail. 1. O. 40.
n. 2. Lauterbach. Vol. 2. diff. 66. rh. 8. n. 3. Paurmeister. de
jurisd. lib. 1. C. 25. n. 21. seqq. Franzk. lib. 1. resolut. 17. n. 95.
seqq. Nec movent rationes in contrarium allatæ, siqui-
dem impedimentum prorogationis, quin expressa lege
inhibeatur, ex ipsa illius indole ac natura fluit, ipsi enim
territorio cohæret, a quo tanquam jus quæsitum sine
voluntate Domini non potest avelli. Et quamvis sub-
ditus aut contrahens, illius jurisdictioni prorogatione
tacitâ se submittat, nec ullum tamen Statibus exinde
enascitur præjudicium, cum nulla sit paritas inter proro-
gationem tacitam ex loco delicti vel contractus prove-
nientem

5 X

nientem & expressam, quia prorogatio tacita, non tam consensu Privatorum, quam autoritate legis principaliter est introducta; expressa verò Principaliter consensu privatorum, accedente legis conniventia, accidere solet. Constat verò, quod auctoritas legis longe sit potior in danda vel auferendâ jurisdictione, quam voluntas hominum privatorum, in quorum arbitrio non est positum, Dominorum jurisdictionem prorogando eludere vel, plane declinare posse. Admittunt præterea dissentientes, Domino territorii facultatem non esse ademptam, subditis per legem prohibendi, ne extra territorium se invicem conveniant; cur non etiam dicimus, adesse & extare generalem seu Legem seu consuetudinem inhibentem, ne subditi tribunal alienum in conventionibus agnoscant, dum Domini territoriales vix aliud tam sollicitè & anxie curant, quam diminutionem jurisdictionis potissimum à subditis attentatam. vid. Wernher. *Vol. 3. in Supplement. ad p. 1. O. 329. pag. 739.* Hæc in jurisdictione contentiosa ita procedere, nullus dubito; sed an voluntaria jurisdictio in alieno plane territorio inter non subditos exerceri possit, altioris videtur esse indaginis; affirmant Plurimi saltem ratione illorum actuum, qui nullam plane requirunt causæ cognitionem, qualis est testamenti insinuatio per *L. 2. ff. de offic. Procons.* quia tacita quasi inter Ordines Imperii conventionione invaluisse, ut iudicibus licitum sit, ejusmodi actus voluntariæ jurisdictionis in loco quocunque etiam extra jurisdictionis suæ cancellos exercere, cum publice interesset, ne tot tantique actus retro redderentur irriti. Covarruv. *3. resol. ult. n. 8.* Berlich. *p. 1. decis. 29. n. 8.* Tusch. *tom. 4. lit. 1. Conc. 546. n. 7.* Carpzov. p. 3.

p. 3. decis. 293. n. 14. seq. Berger. æcon. jur. lib. 4. tit. 3. th. 1. pag. 918. Sententia tamen contraria etiam suos invenit Patronos, in eo se potissimum fundantes, quod judex extra territorium pro privato, *arg. L. fin. ff. de jurisd. L. 3. ff. de offic. pres. urb. & actus voluntariæ jurisdictionis perturbatione jurisdictionis habeantur. Gail. de pac. pub. lib. 1. C. 16. n. 27. § 23. Pet. Anton. de Petra rr. de jure quesito per Princip. non tollendo. C. 32. n. 39.* de qua quæstione, atque simili jurisdictionis materia occasione *L. 1. C. de jurisd. omn. jud. fufius publicè ex cathedra acturus est*

NOBILIS ET CLARISSIMVS CANDIDATVS

DOMINVS

CHRISTIANVS GODOFREDVS WEINLIGIVS,

Natus is Blochwicii anno hujus sæculi nono, Patre Dn. CHRISTIANO WEINLIGIO, Potentissimi & Augustissimi Regis Poloniarum & Electoris Saxonici Inspectore accifarum vigilantissimo, ac Metropolis Dresdensis Secretario s. Archigrammateo. Matre verò ANNA CHRISTINA, è familia GOTTERANA oriunda. Prima horum dilectissimorum parentum cura fuit, ut privatis privatos intra parietes Præceptoribus ad haurienda latinæ fundamenta traderetur, quos humili obedientiâ secutus tales fecit progressus, ut postmodum ad Scholam Electoralem Misnicensem fuerit translocatus, ubi sub fidelissima directione MARTII, SILLIGII, GRABNERI, KAUDEBACHII, quæ per quinquennium nitidiora latinæ tyrocinia posuit. Abinde anno M DCC XXIIIX. ad Aca-
demiam Lipsiensem sese contulit, ubi, postquam in
nu-

numerum civium Academicorum relatus, Philosophiæ, præeuntibus DDnis MÜLLERO & HOMMELIO operam dedit, prima verò ac solida jurisprudentiæ fundamenta à viris Consultissimis Dominis DD. RIVINO & modo dicto HOMMELIO per integrum, & quod excurrit, biennium hausit. Biennio hoc elapso Universitatem Wittenbergensem petiit, ibi frequentando collegia juridica virorum celeberrimorum LEYSERI, BASTINELLERI, CHLAVDENII, STVRMIQUE solidiora jurisprudentiæ principia sibi comparavit, ita, ut ante discessum, Præside viro consultissimo STVRMIO: *de emptione venditione & donatione sub modo*, publicè non solum disputaverit, verùm etiam examini juridicæ facultatis Wittenbergensis sese submiserit, in quo, cum dignus iudicatus fuerit, cui potestas fieret, causas in foris perorandi, Dresdam reversus in illustrissimo Regimine Regio & Electorali Saxonico consuetum Specimen practicum, testantibus à se productis testimoniis, anno MDCCXXXI. edidit, & porro sub auspiciis æstumatissimi Parentis, nec non viri Consultissimi Dn. JOANNIS FRIDERICI FLEISCHERI, J. U. D. exercitiis practicis operam navavit. Tandem consilio & suasu honoratissimi Domini Parentis, fideliumque amicorum ex intentione, summos in utroque jure honores ac privilegia Doctoralia rite ac legitime consequendi, ad nostram Hieranam, ea studiorum præmia appetiturus sese contulit, hancque mentem suam literis facultati nostræ exhibitis exposuit. Moribus igitur majorum insistentes tempus ad examen rigorosum præfiximus, textusque ex utroque jure elaborandos ei communicavimus, quos ita resolvit ac enodavit, atque
in

in ipso examine se talem præstitit, qui dignus iudicatus fuerit, ut ad reliqua specimina inauguralia admittetur, quæ proximo die 20. Maji in auditorio Jctorum majori publice expediet, & quidem Lectionem cursoriam ad L. r. C. de jurisd. omni jud. & dissertationem inauguralem

DE
JVDICE JURISDICTIONEM
VOLUNTARIAM EXTRA TERRI-
TORIVM PERPERAM EXER-
CENTE,

habebit. Quibus actibus ut Magnus Dn. Rector, facultatum Decani, Assesores, Professores, Doctores, Magistri, reliquique cives academici intersint, ea, quæ par est, humanitate invitantur. Publicatum sub Sigillo Facultatis Juridicæ Dominica Jubilate 16. Maji anno M DCC XXXIV.






ULB Halle
005 355 729

3



1996
A
4158





7800.

43

1934, 54

FACULTATIS JURIDICÆ
P. T.
DECANVS,
CONR. WILHELMVS
Strecker/ JCTVS,

PRÆFAT. FACULTATIS ET JVDICII ELECTO-
RALIS PROVINCIALIS ASSESSOR, PROFESSOR
JVRIS PVBLICVS, CIVITATIS SYNDICVS, CON-
SVL, ET CAVSARVM TVTELARIVM
CONSVLENS.

L. B. S.

ERFORDIÆ,
Typis JOH. CHRISTOPHORI HERINGII,
Acad. Typogr.